

SAVJETOVANJE g-SLOVENIJA v e-EVROPI

U vremenu od 14. do 16. novembra 2001. godine u Mariboru je održano savjetovanje pod generalnim naslovom g-Slovenija v e-Evropa, sa sljedećim:

Dnevni red

Srijeda, 14. novembra 2001: OTVARANJE MEĐUNARODNOG SAVJETOVANJA

Gost priredbe

Predstavnici upravne i akademske sfere te nacionalnih saveza geodeta iz država bivše Jugoslavije.

14.00 – 16.00 Prijem učesnika i otvaranje izložbe

16.00 – 18.30 Otvaranje savjetovanja i susreti predstavnika država sa područja bivše Jugoslavije.

19.00 Prijem kod župana grada Maribora

20.00 Veče sponzora

Četvrtak, 15. novembar 2001: GEO-NEPOKRETNOST I GEOINFORMATIKA

Gost priredbe

Udruženje za poslovanje sa nekretninama pri Privrednoj komori Slovenije.

Savez društava geografa Slovenije zajedno sa ZRC SAZU

9.00 – 12.30 Savjetovanje na temu geo-nepokretnosti

12.30 – 14.30 Obilazak izložbe, ručak

14.30 – 18.00 Razgledanje Maribora i okolice

19.00 Veče sponzora

Petak, 16. novembar 2001: 33. GEODETSKI DAN; G-SLOVENIJE

Gost priredbe

Geodetska uprava Republike Slovenije, Fakultet za građevinarstvo i geodeziju,

Odsjek za geodeziju; Matična sekcija za geodeziju pri Inženjerskoj komori

Slovenije; Geodetski institut Slovenije; Privredno interesno udruženje geodetskih izvođača.

9.00 – 12.30 Predstavljanje geodetske djelatnosti u Sloveniji

12.30 – 14.30 Pregledavanje izložbe, ručak

14.30 – 18.00 Uspostava i razvoj geodetskih evidencija u Sloveniji

20.00 Večera sa drugarskim susretima.

Organizatori skupa u pozivu naglašavaju da je romantično vrijeme geodezije, koja se u javnosti identificirala u prvom redu teodolitom, nepovratno prošlo, da razvoj struke, izuzetan napredak tehnologije, primjena elektronike u svim područjima ljudskog rada i s tim u vezi globalizacija, što uslovljava i prognozira potrebu i želju za interdisciplinarnošću stručnih oblasti, kao i povezivanje na međunarodnom planu.

Savez geodeta Slovenije želi organizovanjem ovog savjetovanja, koje će tu problematiku razmotriti prije svega sa stanovišta mogućnosti uključivanja u međunarodne strukovne trendove, predstaviti i razmotriti mišljenja i stajališta zajedno sa stručnjacima koje su i ranije udruživali napore za zajednički napredak geodezije i sa njom povezana

ostala naučna područja, tim više ukoliko to sudjelovanje uključuje susret predstavnika država sa područja bivše Jugoslavije, što je prilika za razmjenu stručnih mišljenja.

Iz naslova savjetovanja, kao i priloženog programa je vidljivo strukovno usmjerenje na područje informacione saradnje, koja je određena u programu e-Evropa. Povoljne okolnosti za doprinos geodetskih stručnjaka u spomenutom programu, prije svega na t.z. geopodručju, jer važi ocjena da približno 80% svih informacija koje čovjek prima, uključuje prostornu komponentu. Zato se, potpuno razumljivo želi upozoriti na tu problematiku i pripremiti smjernice za rješavanje konkretnih zadataka koji nas čekaju već sutra. To obezbjeđuje sudjelovanje predstavnika političkog i privrednog života, domaćih i stranih stručnjaka, koje je pozvao Savez geodeta Slovenije, te Udruženja za gospodarenje nekretninama pri Privrednoj komori Slovenije i Saveza društava geografa Slovenije zajedno sa Naučno istraživačkim centrom Slovenske akademije znanosti i unjetnosti.

Na savjetovanju su učestvovali predstavnici zemalja sa prostora bivše Jugoslavije, te susjednih zemalja, uglavnom sa prostora koji obuhvata Pakt stabilnosti, te i nekih drugih zemalja.

Na skupu je podnešen 31 referat iz oblasti geodetske djelatnosti u Sloveniji, sa naglaskom na geo-nepokretnosti, te uspostavu i razvoj geodetskih evidencija.

Delegaciju Bosne i Hercegovine su sačinjavali

- Ivan Lesko, direktor Federalne uprave za geodetske i imovinsko-pravne poslove
- Vehbija Malanović, z.direktora Federalne uprave za geodetske i imovinsko-pravne poslove
- Antonija Sikimić, pom.direktora Federalne uprave za geodetske i imovinsko-pravne poslove
- Lazo Sikimić, z.dir. Uprave za geodetske i imovinsko-pravne poslove R.S.
- Prof.dr Faruk Selesković, Univerzitet u Sarajevu.

Članovi delegacije Bosne i Hercegovine pored aktivnog učešća na plenarnim sjednicama Savjetovanja, obavili su razgovore o saradnji članovima delegacija niza zemalja.

Posebno su obavljani razgovori o saradnji odsjeka za geodeziju Građevinsko-geodetskog fakulteta u Ljubljani i Građevinskog fakulteta u Sarajevu. Dogovoreno je izrada projekta koji bi predstavljao osnovu za saradnju naša dva odsjeka, koja bi obuhvatala:

- Razmjena nastavnika u nastavi naša dva Odsjeka,
- Organizovanje dijela eksperimentalne nastave za studente našeg Odsjeka, na Odsjeku za geodeziju GG fakulteta iz oblasti analitičke i digitalne fotogrametrije, digitalne kartografije i dr.
- Razmjena udžbenika, skripti, časopisa i druge literature
- Saradnja na izradi novih nastavnih planova i programa na Odsjeku za geodeziju Građevinskog fakulteta u Sarajevu, i to kroz projekat TEMPUS u čemu će nam iskustva kolega sa GG fakulteta u Ljubljani biti dragocjena
- Zajedničko učešće na projektima u BiH, Sloveniji i u trećim zemljama
- Pomoć na učlanjenju Bosne i Hercegovine u međunarodne geodetske asocijacije kao što su FIG, ISPRS, IUGG i druge

- Pomoć na osavremenjivanju oblasti geodezije u Bosni i Hercegovini, u obrazovnoj, upravnoj, proizvodnoj i drugim sferama
- Saradnja studenata, bilateralno i na međunarodnom planu, itd.

Prezentirano stanje geodezije, u širem smislu, u Republici Sloveniji, i u nekim zemljama iz bližeg okruženja, u naučnom, zakonodavnom, upravnom, izvođačkim, obrazovnom i dr. sektoru, i pokazano raspoređenje da se pomogne zemljama u tranziciji koje zaostaju u tom razvoju, pa i Bosni i Hercegovini, je od velikog značaja i predstavlja šansu koju treba iskoristiti.

Naravno za tako nešto je potrebna i domaća pamet i pametno promišljanje.

Uz savjetovanje je organizovana i izložba savremene opreme i tehnologija, što je također bilo od velike koristi za učesnike.

Faruk Selesković